

謚

法

通

考

法通考卷之五

雲間王 圻編輯

巴郡趙可懷校正

平湖孫成泰 郢中朱一龍

龍江王應麟 西陵吳

晉諸臣諡

驃騎將軍錄尚書事散騎常侍博陵縣公王濟
道太原晉陽人武帝泰始二年諡元

太保睢陵公王祥字休徵琅邪臨沂人世祖泰始六

年謚元

上洛太守睢陵侯王馥祥之子武帝咸寧初謚孝

光祿大夫卽丘子王覽字玄通祥弟咸寧四年謚貞
丞相始與郡公王導字茂弘覽之孫成帝咸和五年
謚文獻

晉自漢魏以來賜謚多由封爵雖位通德重先
無爵者例不加謚導乃疏言武官有爵必謚卿
校常伯無爵不謚甚非制度之本意自後公卿
無爵而謚導所議也

中書侍郎王悅字長豫導子先導卒謚貞

散騎常侍贈中軍將軍卽丘子王恬字敬豫導次子
謚憲

建威將軍吳國內史贈車騎將軍王劭字敬倫導子
謚簡

揚州刺史錄尚書事贈侍中司徒王謚字稚遠本劭
子以後協義熙三年謚文恭

散騎常侍贈車騎將軍開府王珣字元琳導孫洽子
謚獻穆

撫軍將軍會稽內史贈車騎大將軍儀同三司彭澤侯王舒字處明道從弟謚穆

衛將軍會稽內史番禺縣侯王允之字深猷舒子咸康末謚忠

輔國將軍散騎常侍贈侍中驃騎將軍武陵縣侯王廙字世將導從弟明帝時謚康

尚書右僕射贈特進衛將軍散騎常侍關內侯王彬字世儒廙弟謚肅

護軍將軍散騎常侍贈光祿大夫儀同三司王彪之

字叔虎彬次子太元二年謚簡

中書令贈侍中特進光祿大夫太宰王獻之字子敬
導族孫安僖皇后父謚憲

陵江將軍贈使持節安南將軍武陵太守追封西鄂
侯羅憲字令則襄陽人泰始六年謚烈

司空鉅鹿郡公裴秀字季彥聞喜人泰始七年謚元
尚書左僕射侍中裴頠字逸民秀第二子惠帝時謚
成

中書令侍中光祿大夫開府儀同三司臨海侯裴楷

字叔則謚元

散騎常侍臨海侯裴輿字祖明楷子謚簡

司徒樂陵侯石苞字仲容南皮人泰始八年謚武
司空儀同三司安成鄉侯鄭袤字林叔滎陽開封人
泰始九年謚元

光祿勳鄭默字思玄表子武帝太康元年謚成

贈金紫光祿大夫平壽公鄭球字子瑜默子永嘉二
年謚元

太傅壽光公鄭冲字文和開封人泰始十年謚成

侍中太尉臨淮公荀顛字景倩潁川人魏太尉或之
第六子泰始十年謚康

尚書令贈司徒濟北郡公荀勗字公曾潁川潁陰人
漢司徒爽曾孫太康十年謚成

衛尉荀勗子謚簡 勗子峻謚烈

留臺太尉贈太保荀藩字公堅勗第二子愍帝建興
元年謚成

尚書贈光祿大夫荀邃字道玄藩子謚靖

侍中尚書射陽公贈衛尉荀闔字道明藩子太寧二

年謚定

太尉領太子太保荀組字大章勳第三子永熙初謚元

散騎常侍侍中贈太僕荀奕字玄欣組子咸和七年謚定

太常卿觀陽伯華表字偉容平原高唐人咸寧元年謚康

光祿大夫開府儀同三司觀陽伯華廙字長駿表長子惠帝時謚元

太常贈左光祿大夫開府苑陵縣侯華恒字敬則廩
子成帝時謚敬

祕書監加散騎常侍贈少府樂鄉侯華嶠字叔駿表
第三子元康三年謚簡

司隸校尉追封清泉侯傅玄字休奕北地宜陽人咸
寧四年謚剛

贈司隸校尉清泉侯傅咸字長虞玄子元康四年謚
貞

衛將軍開府儀同三司大梁侯盧欽字子若范陽涿

人咸寧四年謚元

司空朗陵公何曾字穎考陽夏人咸寧四年禮官議
謚謬醜帝賜謚孝太康末子劭自表改謚元 博士
秦秀議太宰何曾雖皆世族之胤而少以高亮嚴肅
顯登王朝事親有色養之名在官奏科尹之模此二
者寔得臣子事上之槩然資性驕奢不循軌則暨乎
耳順之年身兼三公之位食大國之租荷保傅之貴
執司徒之均二子皆金貂卿校列于帝側方之古人
責深負重雖舉門盡死猶不稱位而乃驕奢過度名

被九域行不履道而享位非常穢皇代之美壞人倫
之教生天下之醜示後世之傲莫大于此自近世以
來宰相輔臣未有受垢辱之聲被有司之劾父子靡
累而蒙恩貸若曾者也按謚法名與寔爽曰謬怙亂
肆行曰醜曾之行也並與此同宜謚謬醜公帝不從
謚曰孝

特進尚書左僕射贈司徒何邵字敬祖曾之子惠帝
永寧元年謚康

太傅鉅平侯羊祜字叔子南城人咸寧時謚成

前將軍監青州諸軍事青州刺史贈使持節都督青州諸軍事鎮東將軍平春侯胡威字伯武一名貌淮南壽春人太康元年謚烈

司徒廣陵侯李胤字宣伯襄平人太康三年謚成

使持節都督秦涼二州諸軍事侍中車騎將軍魯公賈充字公閭平陽人太康三年謚武 充老病自憂謚傳從子模曰是非久自見不可掩也卒後無嗣妻郭槐以外孫韓謚爲世孫及太常議謚博士秦秀曰充悖禮溺情以亂大倫昔鄆養外孫言公子爲後春

秘書官人滅節絕父祖之血食開朝廷之亂源按謚法昏亂紀度曰荒請謚荒公晉主更曰武

侍中光祿大夫贈車騎將軍開府儀同三司賈模字思範克從子賈后時憂讒而卒謚成

司徒侍中新杏伯山濤字巨源河內懷人太康四年謚康

撫軍大將軍開府儀同三司加特進襄陽侯王濬字士治弘農湖人太康六年謚武

尚書平陵男郭奕字大業陽曲人太康八年謚簡

初有司議郭奕謚景與景帝同請改謚曰穆詔賜謚曰簡孝武大元四年光祿勳王欣之援周制謂郭奕不宜改謚徐邈奏郭奕改謚不以犯嫌武帝永平元年詔書貴賤不嫌同謚周公謚文君父同稱名行不殊謚何得異尚書奏文武舉其一致聖賢有時而同宜如王欣之所陳詔可

安南將軍廣州牧武當侯滕脩字顯先西鄂人太康九年謚忠 初太常謚脩曰聲脩之子疏言亡父脩馮繼吳壤爲所驅馳幸逢開通沐浴至化得從俘虜

握戎馬之要未覩聖顏委南藩之重實由勲勞少聞
天聽故也年衰疾篤屢乞骸骨未蒙垂哀奄至薨隕
臣承遺意輿襯還都瞻望雲闕寔懷痛裂竊聞博士
謚脩曰聲直彰流播不稱行蹟不勝愚情冒昧聞訴
帝乃賜謚忠

平南將軍廣州刺史夏陽縣開國侯滕含脩孫謚戴
散騎常侍鄼城公曹志字元恭故魏陳思王庶子太
康九年謚定

司隸校尉特進贈征南大將軍開府儀同三司當陽

侯杜預字元凱杜陵人太康時謚成

丹陽丞當陽侯杜乂字弘理預孫成恭皇后父咸康
初謚穆

侍中尚書太常劉智字子房高唐人太康末謚成

特進光祿大夫開府儀同三司太尉循陽侯劉寔字
子真智兄永嘉中謚元

特進散騎常侍輔國大將軍開府儀同三司甘露亭
侯羊琇字稚舒景獻皇后從父弟泰山南城人武帝
時謚威

特進光祿大夫贈太保祁侯李善字季和銅鞮人武帝時謚成

左僕射左光祿大夫開府儀同三司薛縣侯武陔字元夏沛國竹邑人武帝時謚定

右光祿大夫儀同三司司徒劇陽子魏舒字陽元樊人惠帝永熙元年謚康

大司馬贈太傅高平公陳寯東陽人惠帝元康二年謚武

尚書左僕射領軍持節西戎校尉錄尚書事雍州刺

史麴允金城人愍帝爲劉聰幽辱允發憤自殺聰嘉其忠烈僞謚節愍

太尉昌安縣侯石監字林伯厭次人元康初謚元太保蘭陵公衛瓘字伯玉安邑人元康元年謚成瓘與太宰亮等俱爲賈后所殺瓘女與國人書曰先公名謚未顯一國無言春秋之責其咎安在劉繇搢登聞鼓訟瓘寃乃復瓘爵位謚曰成

黃門郎贈長水校尉蘭陵世子衛恒字巨山瓘之子

謚貞

太子少傅散騎常侍光祿大夫贈金紫上蔡伯和嶠
字長輿汝南西平人元康二年謚簡

前將軍上庸縣侯唐彬字儒宗魯國鄒人元康四年
謚襄

侍中司徒錄尚書事京陵公王渾字玄冲太原晉陽
人元康七年謚元

司徒安豐侯王戎字濬冲渾子永興二年謚元

軍諮祭酒王澄字平子戎弟爲敦所害明帝時敦平
追謚憲

散騎常侍尚書令征虜將軍贈侍中驃騎將軍開府
藍田縣侯王述字懷祖渾從孫太和五年謚穆避穆
帝諱改謚簡

中書令都督徐兗青三州刺史贈安北將軍藍田侯
王坦之字文度述子謚獻

建武將軍荊州刺史贈右將軍王忱字元達坦之子
謚穆

廬陵太守王嶠字開山述族子咸和時謚穆

行討虜護軍平陽太守贈散騎常侍李重字茂曾鍾

武人永康初謚成

左僕射鎮東大將軍開府儀同三司贈車騎將軍
陽子胡奮字玄威臨涇人惠帝時謚壯

後將軍王愷字君夫文明皇后弟東海郟人惠帝時
謚醜

光祿大夫劉頌字子稚廣陵人惠帝時謚貞

游擊將軍贈司空安樂亭侯索靖字幼安敦煌人永
安末謚壯

左光祿大夫開府領司徒大陵縣公溫羨字長卿太

原祁人懷帝時謚元

驃騎將軍開府儀同三司贈侍中始安郡公溫嶠字
太真美弟之子明帝時謚忠武

侍中贈太尉光祿大夫弋陽侯嵇紹字延祖魏中散
大夫康之子元帝時謚忠穆 紹爲博士時太尉廣

陵公陳準薨太常奏謚紹駁曰謚號所以垂之不朽
大行受大名細行受細名文武顯於功德幽厲表於
闇蔽自頃禮官協請謚不依本準謚爲過宜謚爲謬
事下太常時雖不從朝廷憚焉後紹死蕩陰之難故

以忠穆爲謚

平越中郎將廣州刺史嵇含字君道紹從子爲劉弘
司馬郭勵所害懷帝初謚憲

贈平西將軍周處字子隱義興陽羨人元帝爲晉王
時謚孝處死于萬年之亂元帝時將加處策謚太
常賀循議曰處履德清方才量蓋世歷守四郡安人
立政入司百僚貞節不撓在戎致身見危授命此皆
忠賢之茂實烈士之遠節按謚法執德不回曰孝遂
以爲謚

建武將軍軍諮祭酒贈輔國將軍烏程公周玘字宣
佩處子謚忠烈

左光祿大夫開府儀同三司贈司空賀循字彥先山
陰人太興二年謚穆

梁州刺史贈征西將軍尋陽縣侯周訪字士達本汝
南安成人後家尋陽太興三年謚壯

鎮西將軍贈征西將軍建成公周撫字道和訪子哀
帝興寧三年謚襄

冠軍將軍建城公周楚字元孫撫子廢帝太和中謚

定

少府丹陽尹侍中中護軍贈金紫光祿大夫西平侯
周謨汝南安成人謚貞

太子少傅吏部尚書護軍將軍贈左光祿大夫儀同
三司周顓字伯仁謨兄爲王敦所害謚康

護軍領秘書監贈金紫光祿大夫周閔字子騫顓子
謚烈

散騎常侍贈侍中驃騎將軍開府儀同三司嘉興公
顧榮字彥先吳郡人元帝時謚元

領軍將軍贈特進光祿大夫鄱陽縣伯顧眾字長始
榮族弟永和二年謚靖

左光祿大夫儀同三司散騎常侍尚書令贈侍中司
空顧和字君孝眾之族子永和七年謚穆

武昌太守贈征虜將軍秦州刺史平阿縣侯趙誘字
元孫淮南人元帝時謚敬

侍中太尉廣武侯劉琨字越石中山魏昌人爲段匹
碑所害元帝時謚閔

秘書監贈光祿大夫散騎常侍都亭侯華譚字令思

廣陵人元帝時謚胡

贈驃騎將軍定襄侯劉輿字慶孫琨兄洛陽未敗時卒謚貞

國子祭酒贈大鴻臚杜夷字行齊廬江潯人明帝太寧元年謚貞

鎮南太將軍侍中都督贈驃騎將軍于湖侯甘卓字季思丹陽人太寧中追謚敬

長史贈太常咸亭侯謝鯤字幼輿陽夏人明帝時謚康

鎮西將軍散騎常侍衛將軍贈開府儀同三司咸亭侯謝尚字仁祖鯤之子升平初謚簡

太保贈太傅廬陵郡公謝安字安石尚從弟謚文靖會稽內史贈侍中司空望蔡公謝琰字瑗度安子與二子肇峻俱死孫恩之難安帝時謚忠肅

散騎常侍左將軍會稽內史贈車騎將軍開府儀同三司康樂縣公謝玄字幼度安兄奕子謚獻武

散騎常侍衛將軍贈司空南康郡公謝石字石奴安弟謚襄

石無他才望直以宰相弟遂居清顯而聚斂無厭取譏當世詔追贈司空范弘之極論其貪黷請謚曰襄墨朝議不從單謚曰襄

驃騎將軍常侍贈開府儀同三司臨湘縣侯紀瞻字思遠秣陵人明帝末謚穆

尚書右僕射散騎常侍銀青光祿大夫贈左光祿大夫儀同三司建安伯諸葛恢字道明瑯琊陽都人成帝初謚敬

護軍將軍安樂伯陶回丹陽人咸和二年謚威

右光祿大夫開府儀同三司錄尚書事秘書監贈侍
中平樂伯荀崧字景猷臨潁人咸和三年謚敬

平南將軍江州刺史贈觀陽縣侯征南大將軍儀同
三司應詹字思遠汝南南頓人咸和六年謚烈

都督江荆豫益梁雍六州諸軍事領豫荆江三州刺
史儀同三司贈太尉永昌公庾亮字元規明穆皇后
之兄鄆陵人咸康六年謚文康

輔國將軍豫州刺史西中郎將贈衛將軍廣饒男庾
惔字叔豫亮弟穆帝時謚簡

車騎將軍贈侍中司空庾冰字季堅惲弟穆帝時謚
忠成

征西將軍領南蠻校尉贈車騎將軍都亭侯庾翼字
楨恭冰弟永和元年謚肅

左光祿大夫開府儀同三司衛將軍贈侍中車騎大
將軍江陵公陸曄字士光吳郡人咸和中謚穆

侍中司空興平伯陸玩字士瑤曄弟謚康

侍中太尉贈大司馬長沙郡公陶侃字士行本鄱陽
人從家尋陽咸和七年謚桓

散騎常侍贈大鴻臚都亭侯陶瞻字道真侃子爲蘇峻所害謚愍悼

南郡太守贈平南將軍當陽亭侯陶臻字彥遐侃兄子謚肅

護軍將軍散騎常侍贈衛將軍長平縣伯褚爽字謀遠陽翟人咸康七年謚穆

征北大將軍贈侍中太傅都鄉亭侯褚裒字季野康獻皇后父爽從父弟永和五年謚元穆

領軍將軍給事中贈侍中驃騎將軍開府儀同三司

咸陽公卞壺字望之寃句人死於蘇峻之難咸康時
謚忠貞

尚書贈光祿大夫少府散騎常侍安陵亭侯卞敦字
仲仁壺從兄謚敬

侍中右衛將軍贈衛尉原鄉亭侯劉超字世瑜琅邪
臨沂人爲蘇峻所害咸康時謚忠

國子祭酒散騎常侍贈左光祿大夫長合鄉侯袁瓌
字山甫襄陽人成帝時謚恭

龍驤將軍江夏相贈益州刺史湘西伯袁喬字彥叔

瓌子謚簡

驃騎將軍贈右光祿大夫儀同三司戴淵字若思廣陵人爲王敦所害謚簡

尚書僕射贈衛將軍戴邈字望之淵弟謚穆

鎮軍將軍會稽內史散騎常侍贈車騎將軍開府儀同三司餘不亭侯孔愉字敬康會稽山陰人咸康八年謚貞

永安伯孔沉字德度愉從子謚簡

散騎常侍贈光祿勳晉安男孔坦字君平愉從子謚

簡

右光祿大夫開府儀同三司侍中衛將軍贈左光祿大夫武昌侯虞潭字思與餘姚人康帝時謚孝烈

左光祿大夫國子祭酒散騎常侍贈侍中永安伯丁潭字世康會稽山陰人康帝時謚簡

驃騎將軍錄尚書事贈司空都鄉侯何克字次道廬江潛人永和二年謚文穆

散騎常侍贈太常萬寧縣男桓彝字茂倫龍亢人死蘇峻之難賊平謚簡

都督司豫二州軍事領鎮蠻護軍西陽太守贈平南
將軍萬寧男桓雲字雲子彞子穆帝升平四年謚貞
車騎將軍侍中太尉豐城公桓冲字幼子彞子謚宣
穆

征西大將軍贈司空桓豁字子朗雲弟謚敬

建威將軍江州刺史江夏相贈南中郎將桓嗣字恭
祖冲子謚靖

光祿勳贈特進光祿大夫散騎常侍王遐字桓子簡
順皇后父太原晉陽人孝武寧康初謚靖

六歲贈南昌縣公郟鑒字道徽高平金鄉人諡
文成

冠軍將軍會稽內史贈侍中司空南昌公郟愔字方
回鑒長子太元九年諡文穆

建威將軍贈北中郎將東安縣開國伯郟曇字重熙
鑒次子諡簡

侍中庾珉字子琚潁川鄆陵人太元末諡貞

給事中領著作庾闕字仲初潁川鄆陵人諡貞

平北將軍亮青二州刺史贈侍中太保王恭字孝伯

以反死桓玄執政表謚忠簡

都督江荆等八郡軍事鎮南將軍安城郡公贈侍中
司空何無忌東海鄉人義熙初謚忠肅 盧循之亂
無忌握節而死

輔國將軍充青二州刺史領南蠻校尉贈太常散騎
常侍江陵縣公魏詠之字長道任城人義熙時謚桓
荊州都督贈新城郡公劉弘字和季沛國相人元熙
元年謚元

安北將軍徐克二州刺史贈散騎常侍都鄉侯范汪

玄平南昌順陽人謚穆

冠軍侯郭彰字叔武太原人謚烈

侍中國子祭酒西平侯顏含字弘都瑯琊人謚靖
太常昌國縣侯任愷字元襄樂安人謚元

左光祿大夫開府儀同三司贈侍中司空濟陽男蔡
謨字道明陳留考城人謚文穆 博士曹耽定謚曰
穆司徒左長史孔巖與王彪之書曰穆誠美謚然蔡
公德業既重又先帝師傅居總錄任則是參二宰相
也考行定名不可不詳彪之荅曰按謚法布德執義

三十四號

曰穆名目殊為不輕泰始張皇后太寧庾皇后並謚
曰穆魏司空陳泰王景賀循皆名士也亦謚曰穆又
中朝及中興曾居師傅及錄臺事者亦皆不復謚如
山李二司徒吾族父安豐侯戎近賀司空循荀太尉
顛周光錄顛是已吾謂此謚弘美不宜翻改遂止
散騎常侍安南將軍南夷校尉寧州刺史褒中縣公
王遜字邵伯魏興人謚壯

護軍將軍贈右將軍散騎常侍永修縣侯桓伊字叔
夏譙國鉅人謚烈

右將軍西蠻校尉益州刺史領建平太守贈中書令
軍建安侯毛穆之字憲祖陽武人謚烈

贈車騎將軍務亭侯楊文宗武元皇后父弘農華陰
人謚穆 自安北將軍至此謚時未詳

尚書右僕射冀州刺史安邑公薛興謚壯

梁州刺史薛濤興子謚忠惠 地與謚時俱未詳

晉異姓王謚

前涼西平郡公張軌字士彥安定烏氏人張耳十七

代孫謚武

軌子實字安遜太興三年卒私謚昭元帝賜謚元

實弟茂字成遜咸和初卒私謚成

實子駿字公庭永和時卒私謚文穆帝追謚忠成

駿子重華字泰臨永和二年始自稱持節大都督太尉護羌校尉涼州牧河西公假涼王升平初卒私謚昭又改桓穆帝賜謚敬烈

重華子曜靈字元舒爲伯父祚所弒私謚哀

重華庶子玄靚字元安寧康初卒年十四私謚冲孝

武賜謚哀

後涼公李暠字玄盛小字長生隴西成紀人景之子
李廣十六世孫在位十三年薨國人私謚武昭唐天
寶二載追號興聖皇帝

暠子讓字士遜謚穆

暠孫寶字懷素晉太安五年謚宣

暠祖前涼天水太守衛將軍贈武衛將軍安西亭侯
弁暠建初中追謚景 弁本名良以妻姓梁張駿謂
子孫當避嫌名故改

弁子景字仲堅建初中追謚簡

右西平公稱前涼涼公稱後涼二涼累世脩藩
臣禮故晉史著於列傳而貴與通考亦列於宗
室王之後爲異姓王余今因之

群胡君臣僞謚

後涼呂光字世明畧陽氏人仕苻堅封都亭侯堅死
自稱涼州牧晉太元二十一年僭即天王位隆安三
年死謚懿武皇帝廟號太祖

光庶長子纂字永緒晉隆安四年僭號元興元年爲
呂超所殺呂隆篡位謚爲靈皇帝

光子紹嗣位未幾爲纂所奪以纂咸寧元年謚隱王
光弟寶以隆神鼎元年追謚文皇帝

光高祖以光麟嘉時追謚敬公

光祖以麟嘉時追謚宣公

光外婆樓以麟嘉時追謚景昭王母曰昭烈妃

南涼禿髮烏孤鮮卑人晉隆安元年自稱大都督大
將軍大單于西平王段業僭號拜涼州牧尋死在王
位三年謚武廟號烈祖

烏孤弟利鹿孤以隆安三年卽位居三年死謚康

利鹿孤弟儁檀以晉元興元年嗣位在位十三年死
謚景

北涼沮渠蒙遜臨松蘆水胡人晉義熙八年僭即河
西王位魏泰武時拜涼州牧涼王在位二十三年死
謚武宣王廟號太祖

蒙遜諸子牧犍爲魏太武所殺葬以王禮謚哀

前趙劉淵字元海新興匈奴人冒頓之後咸熙初爲
任子於洛陽太康末拜北部都尉成都王頴拜爲大
單于永興元年僭即漢王位永嘉二年僭號四年死

光文皇帝廟號高祖

淵子聰字玄明殺其兄和襲位晉太興元年死謚昭
武皇帝廟號烈宗 妻劉娥謚武宣皇后 姊英謚
武德皇后

淵族子曜字永明晉太興元年僭號改元光初十年
而死 前妻卜氏謚元悼皇后 劉氏謚獻烈皇后
羊氏謚獻文皇后 羊氏即晉惠后也

曜高祖亮光初元年謚景皇帝
曜曾祖廣光初元年謚獻皇帝

高宗通考 卷之三十三
二四
二五
曜祖防光初元年謚懿皇帝

又考光初元年謚宣成皇帝 母胡氏謚宣明皇

太后

後趙石勒字世龍上黨武鄉羯人晉太興二年僞稱
趙王咸和五年僭號改元建平咸和七年死謚明皇
帝廟號高祖

勒從子虎字季龍弒勒子弘而自立稱居攝趙天王
晉永和五年僭號太和六年死石遵篡位謚爲武皇
帝廟號太祖

高祖以建平元年追謚順皇

勒曾祖以建平元年追謚威皇

勒祖邪以建平元年追謚宣皇

勒父周以建平元年追謚元皇帝廟號世宗 妣追

謚元昭皇太后

虎祖芻邪以即僞天王元年追謚武皇帝

虎父寇覓以即僞天王元年追謚孝皇帝廟號太宗

僞右長史大執法濮陽侯贈散騎常侍右光祿大夫

張賓字孟孫趙郡中丘人石勒時謚景

魏冉閔字永曾魏郡內黃人初爲石虎養孫姓石晉
永和六年盡殺石氏子孫僭號改國曰大魏復姓冉
後爲慕容儁所殺太和八年儁復謚爲武悼天王
閔祖隆以永興元年追謚元皇帝

閔父瞻以永興元年追謚高皇帝廟號烈祖

夏赫連勃勃匈奴右賢王去卑之後而劉淵之族子
僭號十四年以宋元嘉二年死謚武烈皇帝廟號世
祖

勃勃高祖訓兒以真興元年追謚元皇帝

勃勃曾祖武以真興元年追謚景皇帝

勃勃祖豹子以真興元年追謚宣皇帝

勃勃父衛辰以真興元年追謚桓皇帝廟號太祖

毋符氏謚桓文皇后

後蜀李特字玄休巴蜀宕渠人初以流人入蜀益州刺史趙廞之反特討而誅之拜宣威將軍封長樂鄉侯太安元年自稱益州牧後與羅尚戰敗殺之雄僭號追謚景皇帝廟號始祖

特子雄字仲雋晉永興初僭號咸和八年死謚武皇

帝廟號太宗

雄子期字世運初雄死兄子班嗣班爲雄子越所弑因踐位後李壽廢爲邛都縣公幽之別宮以晉咸康三年自縊死謚幽

特弟流字玄通始朝廷以討趙廡功拜奮威將軍封武陽侯特死流自稱益州牧後病死雄僭號追封秦王謚文

雄曾祖武以建興元年追封巴郡公謚桓

雄祖慕以建興元年追封隴西王謚襄

李暕以漢興元年追謚獻皇帝

暕字壽字武考晉咸康四年僭號八年死謚昭文帝
廟號中宗

前燕慕容廆字奕洛棘城鮮卑人晉武帝時拜爲鮮
卑都督元帝時拜監平州諸軍事安北將軍平州刺
史尋加使持節都督幽州東夷諸軍事車騎將軍平
州牧遼東公咸和八年卒贈大將軍開府儀同三司
謚襄雋僭號追謚武宣皇帝廟號高祖

廆子皝字元真廆第三子太寧末封朝鮮公已嗣廆

位成帝時拜大將軍封燕王永和四年卒雋僭號追謚文明皇帝廟號太祖 妻蘭氏慕容垂之母垂僞建興元年追謚文昭皇后

銑子雋字宣英永和五年即燕王位八年僭號升平四年死謚景昭皇帝廟號烈祖 昭儀段氏慕容垂時謚景德后

雋子璠字景茂升平四年即位後爲符堅所殺慕容德僭號謚幽皇帝

雋太子暉以雋元璽時死謚獻懷

後燕慕容垂字道明皝第五子雋僭號時封吳王奔符堅爲冠軍將軍封賓都侯晉太元十一年卽位二十一年死謚成武皇帝廟號世祖

垂子寶字道祐垂死之年嗣位隆安三年爲蘭汗所弑謚惠愍皇帝廟號烈祖

寶子盛字道進寶死嗣位隆安五年死謚昭武皇帝廟號中宗

垂少子熙字道文盛死嗣位六年爲高雲所弑謚昭文皇帝 昭儀符氏以僞光始時死謚愍皇后

賈養子雲字子雨本姓高氏既弒熙僭即天王位爲
幸臣離班等所弒謚惠懿皇帝

盛伯父全以僞建平時追謚獻莊皇帝 妻丁氏謚
獻莊皇后

盛太子策以僞建平時追謚獻哀

贈太宰符謨符氏父僞光始時謚文獻

南燕慕容德字玄明皝之少子僞僭號封爲梁公後
遂僭即皇帝位以晉義熙元年死謚獻武皇帝

德兄納晉義熙三年子超僭號追謚穆皇帝

跋字文起長樂信都人以晉義熙五年隋稱
元王至宋元嘉七年因中山公弘之變驚遽而死謚
文成皇帝廟號太祖

跋少弟弘字文通初封中山公殺偽太子翼自立宋
元嘉十五年爲高麗所殺謚昭成皇帝

跋祖和以偽太平元年追謚元皇帝

跋父安以偽太平元年追謚宣皇帝

前秦符洪字廣世畧陽臨渭氏人永和六年拜征北
大將軍冀州刺史廣川郡公已自稱大將軍大單于

三秦王爲麻秋所鳩健僭號謚惠武帝

洪子健字建業永和八年僭號十二年死謚明皇帝
健子生字長生永和十二年僭號二年符堅廢爲越
王殺之謚厲王

洪子雄字元才堅僞永興元年追謚文桓皇帝

雄子堅字永固升平元年僭號太元十年爲姚萇縊
死不僭號謚宣昭皇帝廟號世祖呂光又謚爲文昭
皇帝

堅子丕字永叙太元十年僭號二年死謚哀平皇帝

一、族孫登字文高太元十一年僭號十九年爲姚興
所殺子崇僭號謚爲高皇帝廟號太宗

使持節侍中都督中外諸軍事丞相錄尚書符法堅
異母兄堅母忌而殺之謚哀

征南大將軍開府儀同三司贈大司馬符融字博休
堅之弟謚哀

司徒贈丞相侍中清河縣侯王猛字景畧北海劇人
謚武

始平郡太守贈車騎大將軍儀同三司徐嵩字元高

符登時謚忠武

贈太師王嘉善卜堅謚文

後秦姚弋仲南安赤亭羌人永和七年拜使持節六
夷大都督都督江淮諸軍事車騎大將軍儀同三司
大單于高陵郡公八年卒長僭號追謚景元皇帝廟
號始祖

弋仲子長字景茂以太元十一年僭號十八年死謚
昭武皇帝廟號太祖

長子興字子畧太元十九年僭號義熙十二年死謚

六世皇帝廟號高祖

仲子襄字景國自稱大將軍大單于晉升平元年
戰敗爲符堅所殺萇僭號追封魏王謚武

輔國將軍司隸校尉尚書右僕射清河侯尹緯字景
亮天水人興時謚忠成

右光祿大夫左戶尚書薛彊謚宣

西秦乞伏國仁隴西鮮卑人以晉武太元十年自稱
大都督大將軍大單于領秦河二州牧十三年死謚
宣烈王廟號烈祖

國仁弟乾歸嗣國仁爲大都督大將軍大單于河南王晉義熙三年僭稱秦王六年爲兄子公府所弑謚

武元王

仇池公楊定謚武

定子盛謚惠文

盛子玄謚孝昭

逆臣僞謚

桓溫字元子萬寧簡男彛之子仕晉爲大司馬封南郡公孝武時卒玄僞永始元年追謚宣武皇帝廟號

太祖 妻南康公主 謚宣皇后

桓玄字靈寶溫之子 義熙初益州督護馮遷殺之 逆徒謚爲武悼皇帝

宋帝后謚

孝穆皇帝彭城綏輿里人 姓劉氏 名翹 漢楚元王交二十一世孫 晉時爲郡公 曹子裕受禪 追謚孝穆皇帝 蕭皇后名文壽 蘭陵人 父卓 晉洮陽令 后爲孝穆繼室 景平元年崩 謚孝懿

高祖名裕 永初元年崩 謚武皇帝 臧皇后名愛親

東莞人父儁郡功曹后以義熙四年崩武帝踐祚追謚敬皇后 胡婕妤太祖生母元嘉元年追尊爲皇太后謚章

太祖名義隆武帝第三子元嘉元年皇太后廢少帝爲營陽王奉迎入嗣元嘉三十年崩謚文皇帝 袁皇后名齊媯陳郡陽夏人光祿大夫湛之庶女元嘉十七年薨有司奏謚宣特詔謚元 路后名惠男丹陽建康人生孝武拜爲淑媛明帝踐祚號崇德太后 薨謚昭 沈后名容姬爲文帝美人生明帝拜婕妤

明帝卽位尊爲皇太后薨謚宣

世祖皇帝名駿文帝第三子大明八年崩謚孝武
王皇后名憲嫺琅邪臨沂人初拜武陵王妃卽位立
爲后廢帝時崩謚宣
殷淑妃謚宣

孝武最愛淑妃淑妃卒吏部尚書江智淵謚爲
懷孝武以爲不盡美憾之嘗詣淑妃墓指石柱
曰此 不容有懷字智淵以憂卒後進貴妃改
謚宣

廢帝名子業孝武長子永光二年廢被弑 何皇后

名令婉廬江潯人孝建三年納爲太子妃大明五年薨於東宮謚獻

太宗皇帝名彧文帝第十一子秦豫元年崩謚明王皇后名貞風臨沂人初拜淮陽王妃卽位立爲后順帝禪位同遜東邸薨於齊建元元年謚恭

汝陰王名準明帝第三子廢帝昱遇弒蕭道成迎立爲帝昇平三年禪位道成封汝陰王監人殺之謚順

宋宗室謚

長沙王道憐武帝中弟永初三年謚景

道憐子義欣謚成

義欣子瑾謚悼

義欣弟桂陽侯義融謚恭

義融子覲謚孝

覲弟臨澧侯襲謚忠

道憐子新渝侯義宗字伯奴謚惠

義宗子玠謚懷

道憐子興安侯義賓謚肅

義賓子綜謚惠

道憐子管道侯義基謚僖

臨川王道規字道則武帝少弟義熙八年謚烈武

道規嗣子義慶本長沙景王子元嘉二十一年謚康

義慶子暉爲元凶所誅謚哀

南城縣侯懷慎武帝從弟少帝景平元年謚肅

懷慎從孫順陽縣侯亮明帝時謚剛

管浦侯遵考武帝族弟廢帝元徽元年謚元

廬陵王義真武帝子爲徐羨之所殺元嘉元年追復

先封謚孝獻

義真嗣子敬先本南平王鐸子景和二年爲前廢帝所害謚恭

義真嗣子嵩字淵華本臨澧忠王子順帝昇明元年謚元

江夏王義恭武帝子爲廢帝所害太宗定亂後謚文獻

義恭子暹字元秀世祖大明二年追謚宣

廢弟新吳侯韶字元和謚烈

韶弟平都侯坦字元度謚懷

坦弟江安侯元諒謚愍

元諒弟興平侯元粹謚悼

元粹弟伯禽初謚哀世子後改謚愍

伯禽弟永脩侯仲容謚殤

仲容弟永陽侯叔子謚殤

衡陽王義季武帝子元嘉二十四年追贈侍中司空

謚文

義季子疑字子岐大明七年謚恭

臨武侯棕南郡王義宣子武帝孫謚悼

南平王鑠字休元文帝第四子爲世祖所毒贈侍中
司徒謚穆

鑠長子敬猷爲前廢帝所殺太宗即位贈侍中謚懷
鑠次子安南侯敬淵爲前廢帝所殺太宗贈黃門侍
郎謚悼

建平王宏字休度文帝第七子孝武大明二年贈侍
中司徒謚宣簡

晉平王休祐文帝第十三子明帝忌其剛戾以泰始
七年令人殺之贈司空謚刺

鄱陽王休業文帝第十五子孝武孝建三年贈太常
謚哀

臨慶王休倩文帝第十六子孝建元年謚冲

新野王休文文帝第十七子明帝泰始五年謚懷

巴陵王休若文帝第十九子泰始七年明帝忌而殺
之贈侍中司空謚哀

始平王子鸞字孝羽孝武第八子前廢帝忌而殺之
明帝泰始初謚孝敬

子鸞嗣子延年字德冲本建平王景子泰始四年薨

年四歲謚冲

齊王子羽字孝英孝武第十四子大明二年生三年卒追謚敬

晉陵王子雲字孝舉孝武第十九子大明六年卒四歲謚孝

南海王子師字孝友孝武第二十二子景和元年爲前廢帝所害明帝即位追謚哀

淮陽王子霄字孝雲孝武第二十七子泰始二年賜死年四歲謚思

邵陵王友字仲賢明帝第七子昇明三年薨謚殤

宋公主謚

會稽公主武帝女適徐逵之謚宣

宣城公主武帝女適周嶠謚德

始安公主武帝女適褚湛之謚哀

吳郡公主武帝女爲褚湛之繼室謚宣

臨淮公主武帝女謚康哀

東陽公主文帝女適王僧綽謚獻

南郡公主文帝女適褚淵謚獻

宋諸臣謚

侍中司徒南康郡公劉穆之字道和東莞莒人義熙十三年卒武帝永初時謚文宣

左衛將軍吳郡太守贈征虜將軍德陽縣侯劉式之字延叔穆之中子謚恭

吳興太守劉瑀字茂琳式之子大明二年謚剛

使持節散騎常侍都督雍梁南北秦四州郢州之竟陵隨二郡諸軍事安北將軍寧蠻校尉雍州刺史贈侍中司空康樂郡侯劉秀之字道寶東莞莒人穆之

從父兄子大明八年卒謚忠成

領軍將軍散騎常侍西昌縣侯檀祗字恭叔高平金鄉人武帝永初初謚威

安西司馬征虜將軍贈左將軍青州刺史龍陽縣侯王鎮惡北海劇人猛之孫武帝受命謚壯

太子左衛率侍中太尉韋淑陽夏人武帝初以死難謚忠憲

會稽太守褚淡之字仲原河南陽翟人少帝景平二年謚質

尚書左僕射都鄉侯褚湛之字休玄淡之兄子大明
四年謚敬

尚書右僕射贈侍中左光祿大夫開府儀同三司晉
寧縣男袁湛字士深陳郡陽夏人文帝元嘉初謚敬
輔國將軍吳郡太守袁洵湛弟豹之子謚貞

領軍將軍霄城縣侯趙倫之字幼成下邳僮人孝穆
皇后弟元嘉五年謚元

丹陽尹閔中縣五等侯趙伯符字潤遠倫之子元嘉
中戲以手擊主離婚慙懼而卒謚肅

特進侍中左光祿大夫國子祭酒贈車騎將軍遂鄉侯范泰字伯倫順陽人元嘉五年謚宣

侍中中書監太保錄尚書事揚州刺史華容縣公王弘字休元導曾孫文帝元嘉九年謚文昭

太子詹事侍中贈左光祿大夫散騎常侍王曇首太子保弘之弟元嘉九年以豫議誅徐羨之功追封豫章侯謚文

吏部尚書贈金紫光祿大夫豫章縣侯王僧綽曇首子孝武泰始初謚愍

右光祿大夫開府儀同三司王偃字子游弘從子謚
恭

侍中護軍將軍王華字子陵弘從弟元嘉九年以誅
徐羨之功追封新建侯謚宣

尚書右僕射贈開府儀同三司王僧朗弘從子明帝
后父泰始初謚元

散騎常侍中書監揚州刺史贈車騎將軍開府儀同
三司江安侯王彧字景文僧朗子泰豫元年賜死謚
懿

秘書丞王絢字長素景文子謚恭

豫州刺史建昌縣公到彥之字道豫彭城武原人元
嘉十年謚忠

鎮北大將軍徐克二州刺史新淦縣侯玉懿字仲德
太原祁人元嘉十五年謚桓

特進右光祿大夫始興王師殷穆陳郡長平人元嘉
中謚元

揚州刺史贈侍中司空殷景仁穆之姪元嘉末謚文
成

太子左衛率陽山縣男胡藩字道序豫章南昌人元嘉中謚壯

會稽太守張裕字茂度吳郡吳人元嘉十八年謚恭吳興太守臨江太守邵字茂宗裕弟元嘉時謚簡

會稽太守東鄉侯張暢字少微邵兄禧之子孝建二年謚宣

建威將軍河東太守贈征虜將軍沈林子字敬士吳興武康人永初三年卒元嘉二十五年謚懷

左軍將軍贈新康縣男劉康祖彭城呂人元嘉二十

七年爲魏軍射死謚壯

持節督雒梁南秦三州荊州之南陽竟陵順陽襄陽
新野隨六郡諸軍事輔國將軍寧蠻校尉雒州刺史
襄陽太守晉安侯劉道產康祖從兄弟謚襄

侍中尚書左僕射領護軍劉延孫道產子大明五年
謚忠穆又改爲文穆

益州刺史陸徽字休猷吳郡吳人元嘉二十九年謚
簡

吏部尚書太子右衛率贈散騎常侍金紫光祿大夫

沈演之字臺真吳興武康人元嘉末謚貞

廣威將軍贈龍驤將軍益州刺史卜天與吳興餘杭人爲元凶黨所殺孝武即位贈官謚壯

中書令領太子詹事前軍將軍丹陽尹贈司空棧江縣侯徐湛之字孝源爲元凶所害孝武即位謚忠烈金紫光祿大夫贈特進顏延之字延年琅邪臨沂人孝武孝建三年謚憲

散騎常侍僕射領丹陽尹平都縣子顏師伯字長深延之族子泰始初追謚荒

南兖州刺史贈左將軍桓和之高平金鄉人孝建時
謚襄

左光祿大夫開府儀同三司侍中贈司空都鄉侯何
尚之字彥德廬江滯人孝武大明四年謚簡穆

吏部尚書何偃字仲弘尚之子孝武時謚靖

大中大夫垣護之字彥宗畧陽垣道人大明八年謚
壯

建武將軍兖州刺史夏侯祖權譙人大明末謚烈
散騎常侍特進羊玄保泰山南城人大明末謚定

贈侍中金紫光祿大夫路興之建康人路太后父廢
帝景和中追謚孝

贈光祿大夫開府儀同三司路道慶路太后弟景和
中追謚敬

侍中太尉南昌縣公沈慶之字弘先吳興武康人爲
廢帝賜死謚忠武太宗改謚襄

都督雍州刺史贈征西將軍洮陽侯宗慤字元幹南
陽人廢帝景和時謚肅

撫軍將軍兖州刺史建安縣侯殷孝祖陳郡長平人

明帝泰始二年卒于陣四年謚忠

吏部尚書贈左光祿大夫開府儀同三司江湛字徽
深濟陽考城人泰始初謚忠簡

侍中尚書令驃騎大將軍巴東郡開國公柳元景字
孝仁河東解人泰始初謚忠烈

散騎常侍左將軍相州刺史顧覲之字偉仁吳郡吳
人泰始三年謚簡

郢州刺史都督贈征西將軍開府儀同三司蕭思話
南蘭陵人孝懿皇帝弟子泰始時謚穆

散騎常侍金紫右光祿大夫謝莊字希逸陳郡陽夏人明帝時謚憲

左光祿大夫開府儀同三司都督南豫州刺史曲江縣公王玄謨字彥德太原祁人明帝時謚莊

中書監樂安公蔡興宗字興宗濟陽考城人泰豫元年謚宣穆

使持節鎮軍將軍守尚書右僕射中領軍鄱陽縣侯劉劭字伯猷彭城人死于陣後廢帝元徽初謚忠昭寧朔將軍交州刺史都鄉侯劉劭弟謚質

侍中左光祿大夫開府儀同三司王裕之字敬弘琅
邪臨沂人順帝昇明二年追謚文貞

吏部尚書金紫光祿大夫王瓚之裕之子謚貞

侍中安成公何勗晉安成郡公無忌子追謚荒
時未詳

特進金紫光祿大夫南昌縣侯朱脩之字恭祖義陽
平氏人謚貞

寧朔將軍右軍平陽侯蔡那南陽冠軍人謚平

通直散騎常侍征虜將軍孱陵侯任農夫謚貞肅

御史中丞會稽太守廣州刺史王翼之謚肅
吳興太守石陽縣子贈前將軍王謙之謚肅

三人地與謚時俱未詳

南齊帝后太子謚

宣皇帝東海蘭陵郡人姓蕭氏名承之字嗣伯漢蕭
何二十三世孫仕晉爲泰山太守遷右將軍贈散騎
常侍金紫光祿大夫封晉興縣五等男高帝受禪追
謚宣皇帝 陳皇后名道止臨淮東陽人魏司徒矯
之後建元元年追尊爲皇后謚宣考

太祖皇帝名道成承之之子建元元年受宋禪四年
崩謚高 劉皇后名智容廣陵人父壽之母桓氏建
元元年謚昭

世祖皇帝名贖高帝長子永明十一年崩謚武 裴
皇后名惠昭河東聞喜人左軍參軍璣之之女建元
元年薨謚穆妃帝即位追尊爲后

海陵王名昭文文惠太子長懋第二子廢帝鬱林王
昭業之弟文惠太子薨鬱林遇弒西昌侯鸞迎入即
位延興元年廢暴殞謚恭

高宗皇帝名鸞始安貞王道生之子初封宣城王海陵廢以鸞入纂建武三年崩謚明 劉皇后名惠端彭城人光祿大夫道弘孫永明七年卒於西昌侯夫人明帝即位追謚敬皇后

和帝名寶融明帝第八子嗣廢帝東昏侯寶卷爲帝中興二年遜位於梁謚和

太子長懋字雲喬武帝長子永明十一年謚文惠妃王氏梁天監十一年謚安

南齊宗室謚

衡陽王道度高帝長兄建元元年追謚元

始安王道生字孝伯高帝次兄建元初追謚貞明帝
建武元年以所生父追謚景皇帝 妃江氏謚懿皇

后

道生長子鳳字景慈建武元年贈侍中驃騎將軍開
府儀同三司謚靖

鳳次子曲江公遙欣字重暉出繼宣帝兄西平太守
奉之後永元元年謚康

遙欣弟豐城公遙昌字季暉明帝永泰元年謚憲

通生第三子安陸王綽字具業武帝永明九年贈侍
中衛將軍謚昭

新安侯景先高帝從子永明五年謚忠

南豐伯赤斧高祖從祖弟永明三年謚懿

豫章王嶷字宣儼高帝第二子永明十年謚文獻

嶷子永新侯子廉字景靄永明十一年贈侍中謚哀

臨川王映字宣光高帝第三子永明七年謚獻

長沙王晃字宣明高帝第四子永明時謚威

武陵王華字宣昭高帝第五子廢帝隆昌元年謚昭

安成王暹字宣曜高帝第六子永明元年謚恭

始興王鑑字宣徹高帝第十子永明九年謚簡

竟陵王子良字雲英武帝第二子隆昌元年謚文宣
巴陵王寶義字智勇明帝長子天監中謚隱

南齊公主謚

義興公主高帝女適沈文和謚獻

南齊諸臣謚

贈金紫光祿大夫陳肇之臨淮東陽人高祖外祖父
建元元年追謚敬

黃門郎領射聲校尉新建縣侯蘇侃字休烈武邑人
建元元年謚質

宣城太守贈左將軍豫州刺史新淦伯劉善明平原
人建元二年謚烈

左衛將軍給事中贈雍州刺史霄城侯劉懷珍字道
玉善明族兄建元四年謚敬

左衛將軍吳興太守贈侍中右光祿大夫何戢字慧
景廬江滯人建元四年謚懿

侍中領驍騎將軍贈太常何昱字儼望戢從叔建

武四年謚簡

可空驃騎將軍侍中錄尚書事贈太宰南康郡公褚淵字彥回河南陽翟人武帝永明初謚文簡

太子詹事度支尚書前將軍贈太常巴東郡侯褚綦字茂緒淵子永明元年謚穆

散騎常侍領安成王師贈太常褚炫字彥緒淵從父弟永明時謚貞

尚書左僕射王延之字希季臨沂人永明二年謚簡吳興太守王秀之字伯奮延之從父兄隆昌元年謚

簡

散騎常侍吳興太守張岱字景山吳郡吳人永明初
謚貞

國子祭酒贈散騎常侍特進光祿大夫張緒字思曼
岱從子永明中謚簡

侍中特進光祿大夫贈司空王僧虔宋侍中曇首子
瑯琊臨沂人永明三年謚簡穆

東海太守贈太常王慈字伯實僧虔子永明九年謚
懿

太尉太子少傅領中書監贈南昌縣公王儉字仲寶
僧虔兄僧綽之子永明七年謚文憲

初禮官欲謚爲文獻王晏與儉不平啓齊主曰
此謚自宋氏以來不加異姓出謂人曰平頭憲
事已行矣

侍中贈太常王恩遠琅邪臨沂人明帝時謚貞

尚書左僕射康樂侯李安人一名安民蘭陵承人永
明四年謚肅

兖州刺史鄂縣子王玄載字彥休太原祁人永明四

年謚烈

中護軍贈雍州刺史河陽縣侯王玄邈字彥遠玄載弟建武中謚壯

金紫光祿大夫樂鄉縣男桓闕字叔通魯陽桓道人永明五年謚定

五兵尚書贈太常沈仲字景綽吳興武康人永明中謚恭

散騎常侍金紫光祿大夫湘鄉侯呂安國廣陵人永明八年謚肅

左光祿大夫侍中贈貞陽縣侯柳世隆字彥緒河東解人永明九年謚忠武

中書郎柳悅字文殊世隆子謚恭

吏部郎太子右衛率加通直常侍庾杲之字景行新野人永明九年謚貞

度支尚書領衛尉胡諧之豫章南昌人永明十一年謚肅

廬陵王內史高平太守征虜將軍建昌縣侯戴僧靜會稽永興人永明未謚壯

侍中袁彖字緯才陳郡陽夏人湛之曾孫齊王昭業
隆昌元年謚靖

國子祭酒陸澄字彥深吳郡人隆昌元年謚靖

侍中領晉安王師贈散騎常侍太常卿江敬字叔文
考城人明帝建武二年謚敬

侍中鎮軍將軍贈車騎將軍寧都縣侯王廣之字士
林一字林之沛郡相人建武四年謚壯一謚莊

太子詹事贈金紫光祿大夫謝淪字義潔陳郡陽夏
人永泰元年謚簡

散騎常侍領驍騎將軍五兵尚書駙馬都尉贈太常
劉俊字士操彭城安上里人東昏侯永元初謚敬

散騎常侍太常卿王績字叔素臨沂人永元元年謚
靖

散騎常侍右衛將軍贈安北將軍監利縣侯曹虎和
帝中興元年謚壯 虎一作武

侍中左僕射鎮軍將軍贈司空西豐縣侯沈文孝字
文達吳興武康人中興元年謚忠憲

中軍大將軍丹陽尹贈太尉餘干縣公徐孝嗣字始

昌東海鄉人中興二年謚文忠

汝陰太守贈徐州刺史隨縣子崔文仲清河東武城人謚襄

謚法通考卷之五終